

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 1. Mäerz 2022

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Finanzminister weiderzeleeden.

Am Artikel „*Briefkastenfirmen soll es an den Kragen geher*“, deen den 11. Februar am Lëtzebuenger Wort publizéiert gouf, heescht et, datt d'EU-Kommissioun plangt eng Rei Moosname géint sougenannt Bréifkëschtfirmen ze ergräifen, déi an engem bestëmmte Land iwwert eng legal ugemellten Néierloossung verfügen, awer soss kaum bis keng Geschäftsaktivitéit do ënnerhalen. Weider heescht et, datt d'Kommissioun an hirem aktuellen Entworf eng Beweisläschtëmkéier virgesäit. Och d'Madamm Minister gëtt mat de Wieder zitéiert, datt de Virschlag *„in der aktuellen Fassung über das Ziel hinauschießt“*. Zu Lëtzebuerg kéinte bis zu 45.000 Firmae vun där geplangter Neiregelung betraff sinn.

An deem Zesammenhang géif ech der Madamm Finanzminister gär dës Froe stellen:

- 1) Kann d'Madamm Minister dës Faiten bestätegen? Wa jo, wéi reagéiert si dorop?
- 2) Kann d'Madamm Minister elaboréieren, wéi si d'Gefor bewäert, datt d'Firmaen am Fall vun esou enger Neiregelung aus der EU a Richtung vun der Finanzplaz London ofwandere? Gesäit si an deem Sënn och d'Gefor, datt Firmaen, déi sech an Europa wëllen néierloossen, hire Sëtz vun Ufank un éischer a Groussbritannien wéi an engem EU-Memberstaat, notamment zu Lëtzebuerg etabléieren?
- 3) Kann d'Madamm Minister de potenziellen Impakt vun dëser Moosnam op de Staatsbudget chiffréieren?
- 4) Kann d'Madamm Minister matdeelen, op wéi eng Manéier si hei d'Lëtzebuenger Interessen ze verdeedege gedenkt a besonnesch, op si sech géint déi rechtstaatlech problematesch Beweisläschtëmkéier wäert wieren?

Mat déiwem Respekt,



Fernand Kartheiser
Deputéierten